

尚論後篇





尚論後篇卷之三諸方目錄

太陽傷風諸方

計十五方除重

太陽傷寒方

計三十九方除重附

太陽兩傷方

計十方除重



尙論張仲景傷寒論太陽本經諸方脈症卷之三

西昌喻 昌嘉立 謹著

黎川陳守誠伯常重梓

尙論諸方大意

仲景一百一十三方用本草九十一種耳仲景

上遡神農本經藥三百六十五種効法周天三

百六十五度之數應三才而合四時妙義開天

也仲景取述神農本經藥品纔九十一種入傷

寒論中輔相裁成有合六經之大綱者有合六

經之一目者蓋神農百病兼收而仲景則由六

易風



經以例百病。所以於上古本經取裁九十一種。用之不盡。萬世而後。星日炳然。聖之又聖者矣。梁陶隱君別錄。倍之爲七百三十種。迨唐本圖經證類。宋嘉佑政和旁搜編錄。於是旁門遠經。各自成名者多矣。而仲景宮牆生色。間出英賢。數十輩。尤爲不孤。識大識小。總計一千七百四十六種。病雖百疾。藥無纖漏。天下後世永賴焉。然一千七百四十六種。顯現億兆。如問一日。昭式。乃至漸推。漸廣。觀察盡矣。何獨仲景九十一種。賢哲挺生。莫識厥旨。昌也。晚進無識。手集神。

出齊農本經竊以傷寒論中藥品為主其晉唐以後  
諸賢發揮傷寒論全方有得者亦一一錄出而  
昌亦少步尙論諸方之後總欲門下好學隨證  
問藥一日燎然無檢書之苦難是慰耳  
太陽經風傷衛方

辨中風證用桂枝湯解肌大綱總法

桂枝湯方

桂枝三兩去皮芍藥三兩味苦甘草二兩

炙味三兩切生薑三兩切大棗十二枚

右五味咬咀以水七升微火煮取三升去滓適寒

溫服一升服已須臾。歠熱稀粥一升餘。以助藥力。溫覆令一時許。遍身皦皦。微似有汗者。益佳。不可令如水流漓。病必不除。若一服汗出。病差。停後服。不必盡劑。若不汗。更服。依前法。又不汗。後服小促。役其間。半日許。令三服盡。若病重者。一日一夜服。周時觀之。服一劑。盡病證猶在者。更作服。若汗不出者。乃服至二三劑。禁生冷粘滑肉麵。五辛酒酪。臭惡等物。

太陽中風。陽浮而陰弱。陽浮者。熱自發。陰弱者。有自出。嗇告惡寒。淅淅惡風。翁翁發熱。宜桂枝湯。

仲景原文



風之傷人也。頭先受之。故令頭痛。風在表則表實。故令發熱。風爲陽氣。亦爲陽。同類相從。則傷衛外之氣。衛傷則無以固衛津液。故令汗出。其惡風者。衛氣不能衛也。其脉緩者。衛氣不能鼓也。上件皆太陽症。故曰太陽中風。桂枝辛甘辛則能解肌。甘則能實表。內經曰辛甘發散爲陽。故用之以治風。然恐其走泄陰氣。故用芍藥之酸以收之。佐以生薑甘草大棗。此發散而兼和裏之意。是方也。惟表邪乃可用之。若陽邪去表入裏。裏作燥渴。二便秘結。此宜承氣之時也。而悞用之。則反矣。昌按承氣

之誤庸者固然。而工者悞在微細。仲景諄切不似此項逐條本文詳玩始獲。

凡桂枝湯病症者常自汗出小便不數手足溫和或手足指稍露之則微冷覆之則溫渾身熱微煩而又憎寒始可行之若病者無汗小便不數手足溫和或手足逆身冷不惡寒反惡熱或飲酒後慎不可行桂枝湯也。脉緊必無汗有汗不可悞作桂枝症。此脈與症仲景說得甚明。後人看不透所以不敢用此方。假令寸口脉微名曰陽不足陰氣上入陽中則酒漸惡寒也。尺脉弱名曰陰不足陽氣

下陷入陰中則發熱也。此謂元氣受病而然也。又曰陽微則惡寒。陰微則發熱。醫既汗之使陽氣微。又大下之令陰氣弱。此謂醫所使也。大抵陰不足陽往從之。故陽內陷而發熱。陽不足陰往乘之。故陰上入陽中則惡寒。舉此二端。明白易曉。何憚而不用桂枝湯哉。

仲景治表虛製此湯。桂枝味辛熱。發散助陽。體輕本乎天者親上。故桂枝爲君。芍藥甘草佐之。如陽脈濇。陰脈弦。腹中急痛。乃製小建中湯。以芍藥爲君。桂枝甘草佐之一。則治其表虛。一則治其裏虛。



故各有主用也。

以桂枝易肉桂。治傷寒腹痛。神品藥也。如夏申熱。腹疼。少加黃芩。去桂。痛立止。桂於春夏二時為禁藥。

按經云。桂枝入咽。陽盛則斃。春夏發者為禁藥也。桂能動血。血熱者為禁藥也。木得桂而死。肝不足者為禁藥也。

桂枝湯有禁用三法。仲景本文并昌論

汗後水氣上逆有禁更汗增滿一法。本文并昌論

中風病主用桂枝湯解肌和營衛七法。本文并昌論

或問桂枝湯發字之義曰一桂枝耳或云發汗或云當得汗解或云當發汗更發汗宜桂枝湯者數方是用桂枝發汗也復云無汗不得用桂枝又曰汗家不得重發汗又曰發汗過多者都用桂枝甘草湯是閉汗也一藥二用如何說得仲景發汗與本草出汗之義相通爲一答曰本草云桂味辛甘熱無毒能爲百藥之長通血脈止煩出汗者是調血而汗自出也仲景云藏無他病發熱自汗者此衛氣不和也又曰自汗者爲營氣和營氣和則外不諧以衛氣不與營氣和諧也營氣和則愈故皆

用桂枝湯調和營衛。營衛既和，則汗自出矣。風邪由此而解，非桂枝能於腠理發出汗也。以其固閉營血，衛氣自和，邪無容地而出矣。其實則閉汗孔也。昧者不解閉汗之意，凡是病者俱用桂枝湯發汗。若與中風自汗者合效，如桴鼓。因見其取效而病愈，則曰此桂枝發出汗也。遂不問傷寒無汗者，亦與桂枝湯，悞之甚矣。故仲景言無汗不得服桂枝，是閉汗孔也。又曰發汗多入手，冒心心悸，欲得按者，用桂枝甘草湯，是亦閉汗孔也。又曰汗家不得重發汗，若桂枝湯發汗，是重發汗也。凡桂枝條



下言發字當認作出字。是汗自然出也。非若麻黃能開腠理而發出汗也。本草出汗二字。上文有通血脉一句。是非三焦衛氣皮毛中藥。是爲營血中藥也。如是則出汗二字當認作營衛和自然汗出。非桂開腠理而發出汗也。故後人用桂治虛汗。讀者當逆察其意則可矣。噫。神農作於前。仲景述於後。萬聖後聖。其揆一矣。

不解肌或悞汗病邪入裏用五苓兩解表裏二法。  
一法水逆用之多服煖水汗出愈。  
一法脉浮小便不利微熱消渴者用之。

五苓散方

猪苓

十八銖  
去皮

茯苓

十八銖

澤瀉

一兩  
六銖

白朮

十八銖

桂  
半兩

右五味為散，以白飲和服，方寸匕，日三服，煖水

汗出愈。

不解肌而快發大汗，其變逆有救，亡陽漏風二法。

一法真武

一法桂枝加附子湯

真武湯方

此本少陰經之神方，并加減法，而太陽上篇。

先錄之至太陽下篇尤宜緊要先同錄此

茯苓 三兩

芍藥 三兩

生薑 三兩切

白朮 二兩

附子

一枚炮去皮破八片

右五味以水八升煮取三升去滓溢服七合日三服

桂枝加附子湯

於桂枝湯內加附子一枚餘依桂枝湯法

不解肌而用燒鍼取汗寒入核起多核止變一法

桂枝加桂湯更加桂

於桂枝湯方內更加桂枝二兩

中風肌未解不可下宜用桂枝湯解外一法

桂枝湯

方見前

不解肌反悞下邪不服者於前下藥內更加桂枝

湯一法

即桂枝大黃湯之互詞因上衝陽位故兩解之  
也、不上衝者不用此方

不解肌反悞下心痞用溫補藥兩解表裏一法

桂枝人參湯

即理中加桂枝而易其名也



桂枝四兩 去皮

甘草四兩 炙

白朮三兩

人參三兩

乾薑三兩

右五味以水九升先煎四味取五升內桂枝更煮取三升去滓溫服一升日再服夜一服

或問大柴胡瀉也桂枝人參湯補也何為皆治下

利心下痞鞭曰此非裏熱乃下之早因作痞裏虛

協熱而利表又不解故與桂枝人參湯和裏解表

若夫傷寒發熱汗出不解心下痞鞭嘔吐而下利

者表和而裏病也以心下痞鞭故為實當以大柴

胡下之二者心下痞鞭雖同而虛實之症有別故

用藥有攻補之異

不解肌反悞下邪入陽明變用太陽兩解一法

葛根黃蓮黃芩湯方

葛根 半斤

黃蓮 二兩

黃芩 三兩

甘草 二兩

炙

右四味以水八升先煮葛根減二升內諸藥煮取

二升去滓分溫再服

一解肌反悞下宜辨陽實陽虛加減桂枝湯一法

桂枝去芍藥湯

下之後脉促臈滿於桂枝湯內去芍藥一味

餘依桂枝湯法

去芍藥方中加附子湯

中風下之微惡寒於桂枝湯內去芍藥加附子一

大對枚

不解肌反悞下陽邪作喘有用桂枝加行氣藥一

法

桂枝加厚朴杏仁湯

於桂枝湯方內加厚朴二兩杏仁五十個餘

依桂枝湯法

中風病不解熱結膀胱下血有宜先表後裏一法

桃核承氣湯

外不解者，尚未可攻，宜桂枝湯外解已。少腹急結，可用攻此。

桃仁

五十個 去皮尖

桂枝

二兩

大黃

四兩

芒硝

二兩

甘草

二兩 炙

若五味以水五升，煮取二升半，去滓，內芒硝，更上火微沸，下火，方食，溫服五合，日三服，當微利。

中風病不解，熱瘀蓄血，明辨脈症，用抵當湯二法。

一法發狂蓄血重證。

一法再辨脈證法中之法。



抵當湯方

水蛭

熬三十個

蟅

翅三十個  
足熬

大黃

三兩

桃仁

三十個  
去皮尖

右四味為散以水五升煮取三升去滓溫服一升  
不下再服

中風病下後復汗因虛致冒先汗解後議下一法  
遵內經虛者責之之義汗法下法並不出方若論  
用藥表無過桂枝裏無過大柴五苓矣  
中風經表裏已虛餘邪未解辨脈用治迥異初病

一法

桂枝湯

陽脉微者用此

方見前

調胃承氣湯

中風陰脉微者宜此

方見後

中風病。嘔利痞滿。表解可攻。與攻胃實迥異。一法

十棗湯方

芫花 熬

甘遂

大戟

大棗

十枚 劈

右上三味等分各別搗為散以水一升半先煮大

黃肥者十枚取八合去滓內藥末強人服一錢七  
羸人服半錢溫服之平旦服若下少病不除者明  
日更服加半錢得快下利後糜粥自養

太陽中風下利嘔逆表解者乃可攻之其人漿漿汗  
出發作有時頭痛心下痞鞭滿引脇下痛乾嘔短氣  
汗出不惡寒此表解裏未和也十棗湯主之漿音蟄

按大棗純得土之中氣兼感天之微陽以生故味  
甘氣平又溫氣味俱厚陽也入足太陰陽明經經  
曰裏不足者以甘補之又曰形不足者溫之以氣  
其能補中溫能益氣甘溫能補脾胃故主治安中

補脾補中益氣此方三藥皆峻利故用肥棗十枚  
蓋戎衣一着大發鉅橋之意所以題之曰十棗湯  
表其用之重也

按神農本草經云芫花味苦寒主傷寒溫瘧下十二  
經水破積聚大堅癥瘕蕩滌腸中留癖飲食寒熱  
邪氣利水道仲景本方取用正取此義後人乃遂  
改芫花何也卽曰芫花別錄亦云能消胸中痰水  
五藏五水然本經云味辛溫全與芫花不同且亦  
并不云主傷寒溫瘧等症也權移通用殊非仲景  
立方本旨不可不辨



仲景傷寒論以蕤花治利者取其行水也水去則  
利止用當斟酌不可過使須有是症乃用  
或問乾嘔脇痛小柴胡十棗湯皆有之一和解一  
攻伐何也蓋小柴胡症邪在半表半裏間外有寒  
熱在內有乾嘔諸病所以不可攻下宜和解以  
散表裏之邪十棗湯證外無寒熱其人漉漉汗出  
此表已解也但頭痛心下痞鞕滿引脇下痛乾嘔  
短氣者邪熱內蓄而有伏飲是裏未和也與十棗  
湯以下熱逐飲有表症而乾嘔脇痛者乃柴胡湯  
症無表症而乾嘔脇痛者即十棗湯症也上文所

言頭痛者，乃飲家有此症，不可以常法拘。仲景所以述此者，恐後學見其頭痛，以爲表不解，不敢用也。或問：同是心下有水氣，乾嘔欬喘，一用小青龍湯，主之一，用十棗湯，主之何也？蓋小青龍治未發散表邪，使水氣自毛竅而出，乃內經所謂開鬼門法也。十棗湯驅逐裏邪，使水氣自大小便而泄，乃內經所謂潔淨府去陳莖法也。夫飲有五，皆內啜水。未外受濕氣，鬱蓄而爲留飲，流於膈，則爲支飲，令人欬喘寒吐沫，背寒流於肺，則爲懸飲，令人咳唾。

痛引缺盆流於心下則爲伏飲令人胸滿嘔吐寒  
熱眩暈流於腸胃則爲痰飲令人腹鳴吐水胸脇  
支滿或作泄瀉或肥或瘦流於經絡則爲溢飲令  
人沉重注痛或作水氣跗腫芫花大戟甘遂之性  
逐水洩濕能直達水飲窠囊隱僻之處但可徐徐  
用之取效甚捷不可過劑洩人真元也陳言三因  
方以十棗湯藥爲未用棗肉和丸以治水氣喘急  
浮腫之症蓋善變通者也昔杜任問孫兆曰十棗  
湯究竟治甚病孫曰治太陽中風表解裏未和也  
杜曰何以知裏未和孫曰頭痛心下痞滿脇下痛

乾嘔汗出此知裏未和也。杜曰公但言病證而所以裏未和之故要緊處總未言也。孫曰某嘗於此未決願聽開諭。杜曰裏未和者蓋痰與燥氣壅於中焦故頭痛乾嘔短氣汗出是痰膈也非十棗不治。但此湯不宜輕用恐損人於倏忽用者慎之。大抵痰亦水濕之病耳。蓋痰涎之爲物隨氣升降無處不到。入於心則迷竅而成癲癩。妄言妄見。入於肺則塞竅而成咳唾稠粘喘急。背冷入於肝則留伏蓄聚而成脇痛乾嘔寒熱往來。入於經絡麻皮頭痛入於筋骨則頭項胸背脇腰手足牽引隱



痛然治痰須治其本。痰之本水也。濕也得氣與火則凝滯而為痰。為飲為涎為涕為癢。故十棗湯逐水去濕。正所以治痰。膈耳。

中風病。悞下熱邪內陷而成結胸。諸法

大陷胸湯方

大黃 六兩 去皮 芒硝 一升 芫遂 一錢 為末

右三味以水六升先煎大黃取二升去滓內芒硝一兩沸內芫遂末溫服一升得快利止後服結胸兼涉陽明仍用本湯

大陷胸丸

結胸似涉柔瘕 九成煮湯連滓服

大陷胸丸方

大黃半斤去皮 葶藶半斤熬 芒硝半斤

杏仁半斤去皮尖熬黑

右四味搗篩二味內杏仁芒硝合研如脂和散取

如彈丸一枚別搗甘遂末一錢七白蜜二合水二

升煮取一升溫頓服之一宿乃下如不下更服取

下為効禁如藥法

結胸項強者胸滿鞭痛能仰而不能俛也有汗項

強為柔瘕此雖有汗其項強乃胸中滿實而不能

俛。非。是。中。風。痙。急。故。曰。如。柔。痙。不。用。湯。液。而。用。丸。  
劑。何。湯。主。蕩。滌。用。大。陷。湯。以。其。從。心。下。至。少。腹。皆。  
鞭。痛。三。焦。皆。實。故。用。湯。以。盪。之。此。惟。上。焦。滿。實。用。  
湯。液。恐。傷。中。下。二。焦。之。陰。故。用。丸。以。攻。之。  
按。痙。音。痙。惡。也。當。作。痙。音。徑。風。強。病。也。

太陽傷風諸方終

大易...

知時... 宜... 宜...

或... 中... 宜... 宜...

辨... 三... 宜... 宜...

或... 宜... 宜... 宜...

或... 中... 宜... 宜...



太陽經傷營方

辨傷寒證用麻黃發汗大綱總法

麻黃湯方

麻黃

三兩 去節

桂枝

三兩 去皮

甘草

炙 二兩

杏仁

七十個 湯浸去皮尖

右四味以水九升先煮麻黃減二升去上沫內諸

藥煮取二升半去滓溫服八合覆取微似汗不須

啜粥餘如桂枝法將息

太陽病頭痛發熱身疼腰痛骨節疼痛惡風無汗而

喘麻黃湯主之

按太陰少陰有身熱而無頭痛蓋二經皆不上頭故也厥陰有頭痛而無身熱若身熱而又頭痛屬太陽經也

傷寒頭痛屬三陽乃邪氣上攻也太陽專主頭痛陽明少陽亦有之三陰無頭痛蓋太陰少陰二經

至胸而還惟厥陰循喉嚨上入顙額出額會於巔故亦有頭痛傷寒頭痛太陽經居多頭角痛屬少

陽經頭額痛及鼻屬陽明經頭頂痛屬厥陰經足太陽經起目內眥循頭背腰膂故所過疼痛不

利寒邪外束人身之陽不得宣越故令發熱寒邪

在表不能任寒故令惡寒寒主閉藏故令無汗人身之陽既不得宣越於外則必壅塞於內故令作喘寒氣剛勁故令脉緊

仲景治傷寒無汗用麻黃有汗用桂枝歷代名醫未有究其精微嘗繹思之似有一得云津液爲汗汗卽血也在營則爲血在衛則爲汗夫寒傷營營血內瀦不能外通於衛衛氣閉固津液不行故無汗發熱而憎寒夫風傷衛衛氣外泄不能內護於營營氣虛弱津液不固故有汗發熱而惡風然風寒之邪由於皮毛而入皮毛者肺之合也肺主衛

氣包羅一身天之象也。是證雖屬乎太陽而肺實受邪氣。其證時兼面赤、怫鬱、欬嗽、以及痰喘而胸滿者，非肺病乎？蓋皮毛外閉，則邪熱內攻而肺氣膾鬱，故用麻黃、甘草、同桂枝，引出營氣之邪，達之肌表，佐以杏仁泄肺而利氣。是則麻黃湯雖太陽發汗重劑，實爲發散肺經火鬱之藥也。

辨脉浮宜用麻黃湯發汗一法。

辨脉浮數宜用麻黃湯發汗一法。

卽脉不緊但浮及浮數俱必用此。

辨傷寒欲傳不傳、心悸而煩宜用建中一法。



太陽中篇連大綱止此三法

變法用桂枝湯加減七法

小建中湯

桂枝三兩 去皮

芍藥六兩

甘草二兩

生薑三兩 切

膠飴一升

大棗十二枚 劈

右六味以水七升煮取三升去滓內膠飴更上微火消解溫服一升日三服嘔者不可用建中湯以甜故也

按山僻絕無醫藥之區每遇頭痛發熱用蠻法山椒炒雞炊飯一飽津津發汗豈非得建中意乎

服麻黃湯得汗後。察脈辨證。有次第不同三法。

一法傷寒發汗解半日許復煩脈浮者可更發汗。

宜桂枝湯

方見上篇

再按發汗已解因表疎外邪內襲可更發法宜桂

枝湯仲景意中蚤已慮其正虛桂枝解肌誠正法

也昌欲表虛之體少和人參助正驅邪免致再襲

三襲留連而至殆耳略加人參托出其邪豈不善

乎粗醫不行微汗輒至表疎邪入汗而又汗展轉

增變卒至莫救可為寒心

一法發汗已脉浮數煩渴者宜表裏兩解五苓湯

方見上篇

一法汗出而渴五苓散不渴者茯苓甘草湯

茯苓甘草湯方

茯苓 三兩

桂枝 二兩 去皮

生薑 三兩 切

甘草 一兩

右四味以水四升煮取二升分溫三服

辨脉浮緊浮數尺脉反遲反微不可發汗二法

再按二條但論其法然無藥也宜用建中湯生其

津液津液克則穀氣傳腎而生精血所以自致表

裏俱實便自出汗而愈。可見津液精血人身之至寶也。

服麻黃湯汗後病不解。有惡寒惡熱不同治法。

芍藥甘草附子湯方

惡寒者虛也

芍藥 三兩

甘草 二兩

附子

一枚泡去皮切八片

已上三味以水五升煮取一升五合去滓分溫服

調胃承氣湯方

不惡寒但熱者實也當和胃氣與此方。

大黃

四兩去皮清酒浸

芒硝

半斤

甘草

二兩



右三味、咬咀、以水三升、煮取一升、去滓、內芒硝、更上微火、煮令沸、少少溫服。

服麻黃湯後、身痛、脈沉遲者、宜行補散一法。

桂枝加芍藥生薑人參新加湯方

桂枝三兩 去皮 芍藥四兩 甘草二兩 炙

人參三兩 生薑四兩 切 大棗十二枚 擘

右六味、以水一斗、一升、微火、煮取三升、去滓、分溫服、如桂枝法。

或問經言表邪盛、脈浮而緊、法當身疼痛、宜以汗解之、况身疼皆係表邪未盡、此又加人參芍藥生

薑以益血何也。曰表邪盛則身疼。血虛則身亦疼。其脉浮緊者邪盛也。其脉沉微者血虛也。盛者損之則安。虛者益之則愈。仲景凡言發汗後以外無表證內無熱證止餘身疼而已。若脉稍浮盛則爲表邪未盡解。今言脉沉遲此血虛而致然也。故加人參生薑芍藥以養血。

服麻黃湯後不可悞用桂枝。及飲水瀧水過多。一法。

麻杏甘石湯方

治喘飲水瀧水

麻黃 四兩  
去節  
杏仁 五十個  
去皮尖  
甘草 二兩  
炙

石膏 半斤  
碎  
綿裹

右四味以水七升先煮麻黃減一升去上沫內諸藥煮取二升去滓溫服一升

本麻黃湯證悞下表邪未盡氣逆變喘一法

麻黃杏仁甘草石膏湯

悞下變喘方同前

服麻黃湯後有陽氣暴虛又手自冒心悸及耳聾無聞二法

桂枝甘草湯方

桂枝四兩 去皮 甘草二兩 炙

右二味以水三升者取一升去滓頓服

按心下悸及耳聾無聞皆陽氣暴虛仲景止用桂枝甘草二味補虛之義顯明易見如二證大虛又必多用人參矣服麻黃湯後有陽氣暴虛陰邪上逆臍下悸腹脹滿二法

茯苓桂枝甘草大棗湯方

欲作奔豚預伐其邪

茯苓半斤 桂枝四兩 去皮 甘草二兩 炙



大棗十二枚 劈

右四味以苳瀾一斗先煮茯苓減二升內諸藥煮取三升去滓溫服一升日三服作苳瀾法取水三斗置大盆內以杓揚之水上有珠子五六千顆相逐取用之

厚朴生薑甘草半夏人參湯方

汗後腹脹滿

厚朴半斤 去皮炙

生薑半斤 切

半夏半升 洗

人參一兩

甘草四兩 炙

右五味以水一斗煮取三升去滓溫服一升日三

服

服麻黃湯後不蘇，悞下津乾，飲結胃困，變痞一法。

生薑瀉心湯方

生薑

四兩切

甘草

三兩炙

人參

三兩

乾薑

一兩

黃芩

三兩

半夏

半斤洗

黃連

一兩

大棗

十二枚劈

右八味以水一斗，煮取六升，去滓再煎，取三升，溫

服一升，日三服。

悞下成痞，用瀉心湯方，次第不同四法。

一法悞下後，再悞下，客熱虛痞，用甘草瀉心湯。

一法悞下後復發汗惡寒先解表用大黃黃連瀉心湯

一法上用陰氣協熱邪作痞用大黃黃連瀉心湯矣而陰氣乘陽虛作痞用附子瀉心湯一法心下滿而不痛者用半夏瀉心湯

甘草瀉心湯方

甘草 四兩

黃芩 三兩

半夏 半斤洗

大棗 十二枚劈

乾薑 一兩

黃連 一兩

右六味以水一斗煮取六升去滓再煎取三升溫服一升日三服

病在表而反下之則逆矣。下而虛其中氣則表邪乘之而入。虛不任邪。今人謂之挾熱利也。火性急速。穀雖入而未及化。故穀不化。虛陽上迫。故令腹中雷鳴。中虛不能化氣。故令痞鞭而滿。胃虛客氣上逆。故令乾嘔。心煩不得安。人參甘草大棗胃虛之聖藥也。半夏乾薑嘔逆之聖藥也。黃連黃芩痞熱之聖藥也。

相傳伊尹湯液原有甘草瀉心湯。治證同上。仲景

本此方。而但去人參。可見先哲皆有祖述。不似後

人一味臆騁。此云去人參未是。

音益稱去声



海云伊尹湯液此湯七味今監本無人參脫之也此為定衡

大黃黃連瀉心湯方

大黃 二兩  
黃連 一兩

右二味以麻沸湯二升漬之須臾絞去滓分温再服

接結胸之脉沉實其病謂之實邪故下之也急痞氣之脉關脉必浮其病謂之虛邪故下之也緩彼用大黃則煎之乃取其氣味厚此用大黃則漬之取其氣味薄也

大黃乃足太陰手足陽明手足厥陰五經血分之藥。凡病在五經之血分者宜用之。若在氣分用之。是謂誅伐無過矣。故仲景言治心下痞滿按之軟者。用大黃黃連瀉心湯主之。此正瀉脾胃之濕熱。非瀉心也。病發於陰而反下之。則作痞滿。乃寒傷營血邪氣乘虛結於上焦胃之上脘。在於心。故曰瀉心實瀉脾也。素問云。太陰所至爲痞滿。又云濁氣在上則生膜脹是矣。病發於陽而反下之。則成結胸。乃熱邪陷入血分。亦在上脘分野。大陷胸湯丸皆用大黃亦瀉脾胃血分之邪而降其濁氣也。

若結胸在氣分。則只用小陷胸湯。痞滿在氣分。則用瀉心湯矣。膈音噴肉脹起也。

麻沸湯。卽熱湯。一名百沸湯。一名太和湯。味非平無毒。主治助陽氣。通經絡。

附子瀉心湯方

大黃 二兩  
黃連 一兩  
黃芩 一兩

附子 一枚炮去皮別煮取汁

右四味。初三味以麻沸湯二升漬之。絞去滓。內附子汁。分溫再服。

按心下滿。鞭而痛者。爲實。爲結胸。鞭滿不痛者。爲

虛為痞氣。不滿不痛。但煩悶者為支結保命。

集云脾不能行氣於四藏。結而不散。則為痞。大抵

諸痞皆熱也。故攻痞之藥皆寒劑。其一加附子是

以辛熱佐其寒涼。欲令開發痞之拂鬱結滯。非攻

寒也。先發汗。或下後。陽氣虛。故惡寒。汗出。太陽證

云。發汗後惡寒者。虛也。此加附子。恐大黃黃連損

其陽也。非補虛也。

半夏瀉心湯方

半夏半升

黃芩三兩

乾薑三兩

甘草三兩

人參三兩

黃連一兩



大棗

十二枚劈

右七味以水一斗煮取六升去滓再煎取三升温服一升日三服

按至於下後邪氣傳裏亦有陰陽之異若下後陽邪傳裏者則結於胸中爲結胸以胸中爲陽受氣之分與大陷湯以下其結陰邪傳裏者則留於心下爲痞以心下爲陰受氣之分與半夏瀉心湯以通其痞

服瀉心湯痞不解煩渴小便不利用五苓兩解表裏一法

前第九條五苓湯方兩解表裏於此更治痞滿服瀉心湯復悞下利不止宜治下焦一法

赤石脂禹餘糧方

赤石脂一斤 禹餘糧一斤  
碎

已上二味以水六升煮取二升去滓分三服下之利不止者下之虛其裏邪熱乘其虛故利虛而不能禁固故不止更無中焦之症故曰病在下焦澁可以固脫故用赤石脂重可以鎮固故用禹餘糧然惟病在下焦者可以用若病在中焦而悞以爲虛者則二物之氣益壞於申氣實者固而澁

之則邪無自而泄。必增腹脹且痛矣。慎之慎之。  
再按難經曰。中焦者在胃中脘。主腐熟水穀。下焦  
者。當膀胱上口。主分別清濁。主出而不內。以傳道  
也。靈樞曰。水穀者常居於胃中。成糟粕而俱下於  
小腸。而成下焦。滲而居下。濟泌別汁。循下焦而滲  
入膀胱焉。然則利在下焦者。膀胱不滲。而大腸滑  
脫也。禹餘糧。其平消痞。鞅而鎮定其臟腑。赤石脂  
其溫固腸虛。而收其滑脫也。膀胱不滲。水穀不  
分。更當導利小便。令分清之。使府司各行其事。始  
無餘治而愈也。

汗吐下解後餘邪挾飲作痞用旋復代赭石湯一法

旋復代赭石湯方 赭音者赤色

旋復花 三兩 人參 二兩 生薑 五兩

代赭石 一兩 半夏 半斤 甘草 三兩

大棗 十二枚 劈

右七味以水一斗煮取六升去滓再煎取三升温服一升日三服

浮吐下而解則中氣必虛虛則濁氣不降而上逆故作痞鞭逆氣上干於心心不受邪故噫氣不除



內經宣明五氣篇曰五氣所病心爲噫是也。旋復之鹹能軟痞鞭而下氣。代赭之重能鎮心君而止噫。薑夏之辛所以散逆。參茸大棗之甘所以補虛。或曰汗吐中虛肺金失令肝氣乘脾而作上逆。逆氣干心心病爲噫。此方用代赭石所以鎮心亦所以平肝也。亦是究理之論。噫音盪

昌用此方治反胃多痰氣逆并噦者愈千人矣。

傷寒下早亦成結胸之證四法

一法辨大結胸用大陷胸湯

熱實脉沉緊心下痛按之不韌水飲結在胸膈主大

陷胸湯 原文

一法辨小結胸用小陷胸湯

正在心下按之則痛脉浮微滑發熱微惡寒煩疼微嘔心下支結用柴胡桂枝湯 原文

一法熱結在裏與結胸異治

一法辨邪熱在表心下支結但治其表

小陷胸湯方

黃連 一兩

半夏 半升

栝蒌實 一枚

右三味以水六升先煮栝蒌去滓內諸藥煮取二升去滓分溫三服

大陷胸湯方

水飲結在胸脇仍用此方

方見前

柴胡桂枝湯方

不宜大小陷胸之法此方

柴胡 四兩

黃芩 一兩

人參 一兩

桂枝 一兩

甘草 一兩

半夏 二合

生薑 一兩

芍藥 一兩

大棗 六枚

右九味以水七升煮取三升去滓分温服

辨傷寒太陽兼少陽連上共五法

小柴胡湯方

柴胡 半斤

黃芩 三兩

半夏 半升  
洗

人參 三兩

甘草 三兩

生薑 三兩  
切

大棗 十二枚  
擘

右七味以水一斗二升煮取六升去滓再煎取三

升溫服一升日三服

傷寒四五日身熱惡風頭項強脇下滿手足溫而渴

者小柴胡湯主之 原文

傷寒五六日中風往來胸脇苦滿默默不欲飲食心

煩喜嘔或胸中煩而不嘔或渴或腹中痛或脇下痞



鞭或心下悸小便不利或不渴身有微熱或咳者小

柴胡湯主之

原文後加減法

若胸中煩滿而不嘔去半夏人參加括萋實一枚

若渴者去半夏加人參合前成四兩半括萋根四

兩

若腹中痛去黃芩加茯苓四兩

若不渴外有微熱者去人參加桂枝三兩溫覆取

微汗愈

若欬者去人參大棗生薑加五味子半升乾薑二

兩

經曰傷寒中風有柴胡證但見一證便是不必悉具邪在表則寒邪在裏則熱今邪在半表半裏之間未有定處是以寒熱往來也邪在表則心腹不滿邪在裏則心腹脹滿今止言胸脇苦滿知邪氣在表裏也經曰陽入之陰則靜默默者邪方自表之裏在表裏之間也能食不能食煩不煩嘔不嘔皆然邪初入裏未有定處則所處不一故有或爲之證柴胡證但見一證便是不必悉具正指此或爲之證也

傷寒陽脉澁陰脉弦法當腹中急痛者先與小建中

湯不瘥者與小柴胡湯主之原文

小建中湯方

方見前

服小建中湯不瘥者蓋少陽屬木其脉弦木盛則土受尅故滿而急痛也故伐木以救土也

柴胡桂枝乾薑湯方

柴胡 半斤

桂枝 三兩去皮

乾薑 三兩

黃芩 三兩

括蕞根 四兩

牡蠣 三兩熬

甘草 二兩

右七味以水一斗二升煮取六升去滓再煎取三

升溫服一升日三服初服微煩後服汗出便愈  
按已發汗而復下之雖不失先發後攻之序及當  
汗而反下之宜然既汗之邪當自散若不待其全  
解後內實而復下之是猶傷於早也烏得不結然  
已發汗則邪勢已衰雖或失之下早故結亦當微  
也

傷寒五六日已發汗而復下之胸脇滿微結小便不  
利渴而不嘔但頭汗出往來寒熱心煩者此爲未解  
也柴胡桂枝乾薑湯主之

原文

太陽病十日以去脈浮細而嗜卧者外解已也設胸



滿脇痛者與小柴胡湯。脈浮者用麻黃湯。原文

脈微細而嗜臥者大邪已退血氣乍虛而支體倦怠也。胸滿脇痛則少陽未除故與小柴胡以和之。脈但浮則邪還表故與麻黃以發之。

柴胡加龍骨牡蠣湯方

柴胡 四兩 半夏 二合 龍骨 一兩

人參 一兩 茯苓 一兩 鉛丹 一兩

桂枝 一兩半 生薑 一兩 大黃 二兩

牡蠣 一兩 大棗 六枚

右十一味以水八升煮取四升內大黃切如碁子

更煮一二沸去滓溫服一升

辨下後胸滿煩驚身重困篤用此湯原文自明

病久脉代結心動悸宜補胃生津兼散邪用炙甘草湯一法

草湯一法

炙甘草湯方

炙甘草

四兩

生薑

三兩切

桂枝

三兩去皮

麥門冬

半斤

麻子仁

半斤

大棗

十二枚擘

人參

二兩

生地

一斤

阿膠

二兩

右九味以清酒七升水八升先煮前藥八味取三

升去滓內膠烱消盡溫服一升日三服一名復脉

湯。三味以水三升半煮取一升半去滓分一服。

、悞下、下利不止、身疼痛、宜先救裏、後救表、一法、

先救裏用四逆湯、

一四逆湯方、

甘草

二兩

乾薑

一兩

附子

一枚

右三味、咬咀、以水三升、煮取一升二合、去滓、分溫

再服、強人、可大附子一枚、乾薑三兩、

服後身疼痛、便清自調者、急救表、用桂枝湯、

方見上篇、

辨悞下、引邪內入、用梔子湯取吐三法、

病人舊微澹者不可服

一法下後煩滿不安用梔子厚朴湯

梔子厚朴湯方

再照梔子

十四枚劈

厚朴

四兩薑炙

枳實

四兩湯洗去穢炒

已上三味以水三升半煮取一升半去滓分三服

溫進一服得吐止後服

一法悞用丸藥大下身熱微煩用梔子乾薑湯

梔子乾薑湯方

梔子

十四枚劈

乾薑

二兩

右二味以水三升半煮取一升半去滓分二服溫



進一服得吐止後服

一法大下後身熱心中結痛用梔子鼓湯

梔子鼓湯方

梔子

十四枚劈

香鼓

四合綿裹

右二味以水四升先煮梔子得二升半內鼓煮取一升半去滓分爲二服溫進二服得吐止後服

又本方二法

發汗若下煩熱胸中窒者用此方 原文

發汗吐下後虛煩不眠反覆顛倒懊懣者用此方 原文

又加味二法

若少氣者梔子甘草豉湯

於前方內加倍甘草

若嘔者梔子生薑豉湯

於前方內加倍生薑甘草

辨下後復發汗之脈證晝夜靜躁一法

乾薑附子湯方

晝日煩躁夜而安靜脈沉微身無大熱者

乾薑 一兩

附子

一枚生用  
破八片

右二味以水三升煮取一升去滓頓服

按用薑附二味偏於辛熱者恢復重虛之陽而求

以協和於偏勝之陰也。

辨吐下後復汗身為振搖動惕久成痿廢二法。

茯苓桂枝白朮甘草湯方

茯苓 四兩

桂枝 三兩 去皮

白朮 二兩

甘草 二兩 炙

右四味以水六升煮取三升去滓分溫三服。

辨傷寒熱厥小便反利為蓄血用抵當丸一法。

抵當丸方 上篇用抵當湯

水蛭 二十个 熬

蠱蟲 二十五个 熬去翅

桃仁 二十个 去皮尖

大黃 二兩

右四味，杵分為四丸，以水一升，煮一丸，取七合服。晬時當自下血，若不下，更服。辨傷寒風濕相搏，身體煩疼，脈證二法。

桂枝附子湯方

桂枝四兩 去皮

附子三枚 炮去 皮破 八片

生薑三兩 切

甘草三兩 炙

大棗十二枚 劈

右五味，以水六升，煮取三升，去滓，分溫三服。

去桂枝加白朮湯方

大便鞭，小便利者用此。

於桂枝附子湯方內，去桂枝，加朮三兩，餘依



前法

甘草附子湯

甘草

二兩

附子

九枚炮  
去皮臍

白朮

二兩

桂枝

四兩  
去皮

右四味以水六升煮取三升去滓温服一升日三服初服得微汗則解能食汗出服煩者服五合恐一升多者宜服六七合為妙按上條項傷寒此條項中風無疑本文痛不可近汗出短氣小便不利惡風不欲去衣或身微腫語皆是中風可見風寒與温相搏冬月若此而風與

溫濕熱濕相搏夏月又若彼王叔和云傷寒所致  
 太陽瘧濕暍三種宜應別論以為與傷寒相似故  
 此見之果何說耶太陽經證瘧濕暍居先傷寒證  
 居後駭眩無定乃後代咸為取宗焉傷寒書誠疑  
 而難讀之矣

辨傷寒發黃有寒濕相傳三法

麻黃連翹赤小豆方

麻黃 二兩

赤小豆 一升

杏仁 四十枚  
去皮尖

連翹 二兩  
連翹根也

大棗 十二枚  
擘

生薑 二兩  
切

甘草 一兩  
炙

生梓白皮

已上八味以潦水一斗先煮麻黃再沸去上沫內諸藥煮取三升分溫三服半日則盡

瘀血在裏身必發黃用前方原文

茵陳蒿湯方

茵陳蒿 六兩

梔子 十四枚 劈

大黃 三兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

身黃如橘子色小便不利腹微滿者用前方原文

梔子蘗皮湯方

論後卷 卷之三 三一川口八〇八〇十六

梔子

十五枚

甘草

一兩

黃蘗

一兩

右三味以水四升煮取一升半分温再服

身黃發熱者用前方

按熱已發出於外則與痰熱不同。正當隨熱勢而

亟散其黃。俾不留於肌表也。前條熱痰。故用麻黃。

此條發熱。反不用麻黃。正所謂寒濕中求之。不盡

泥傷寒之定法矣。此隸太陽中篇。惟仲景乃識其

旨。所謂者何。蓋四條已發於瘧濕。喝三種。痰熱蒸

黃之先。凡近豈能窺乎。至於總入陽明發黃。尤為

膚淺矣



附越脾湯方

麻黃 六兩

甘草 二兩

石膏 八兩

大棗 十二枚

生薑 二兩

太陽傷寒方 終

會都裝式

[Large vertical smudge or bleed-through mark]

其輝二兩

大麥十二

濕黃六兩

石膏六兩

坐盤二兩

諸藥州式

太陽經風傷衛寒傷營方

大青龍湯風寒兩傷大綱總法

大青龍湯方

麻黃

六兩 去節

桂枝

二兩 去皮

甘草

二兩 炙

杏仁

四十枚 去皮尖

生薑

三兩 切

石膏

如鷄子大 綿裹碎

大棗

十二枚 擘

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉撲之一服汗者停後服汗多亡陽遂虛惡風煩躁不得眠也

服青龍湯厥逆筋惕肉瞤此為逆也用真武湯救之  
仲景原文

真武湯方

茯苓 三兩

芍藥 三兩

生薑 二兩

白朮 二兩

附子 一枚炮去皮破八片

右五味以水八升煮取三升去滓溫服七合日三

服此乃少陰經之方先錄於此

按成註謂不久厥吐利無少陰裏證大謬無少陰  
證者但欲寐尚不止少陰疑似况敢言不久厥吐  
利等耶



麻黃味甘溫。桂枝味辛熱。寒則傷營。必以甘緩之。  
風則傷衛。必以辛散之。此風寒兩傷營衛俱病。故  
以甘辛相合而爲發散之劑。甘草味甘平。杏仁味  
甘苦。苦甘爲助。佐麻黃以發表。大棗味甘溫。生薑  
味辛溫。辛甘相合。佐桂枝以解肌。石膏味甘微寒。  
而使石膏爲重劑。而又專達肌表者也。  
大青龍湯發汗之重劑。非桂枝所同用之。稍逆則  
又有亡陽之失。若脈微弱。汗出惡風者。不可服。服  
之則厥逆筋惕肉瞤。此爲逆也。  
傷寒發熱惡寒煩躁。身心無奈者。發汗則愈。譬若

亢熱已極。一雨而涼。其理可見也。若見其躁熱。投以寒涼。其害豈勝言哉。

中風脉浮緊。傷寒脉浮緩。仲景以青龍對之。證候與脉相對。無不應手而愈。

風傷衛。衛氣也。寒傷營。營血也。營行脉中。衛行脉外。寒邪居脉中。非特營受病。邪自內作。則併與衛氣犯之久。則浸滲入骨。亦自有淺深也。

太陽中風。脉浮緊。發熱惡寒。身疼痛。不汗出。而煩躁者。大青龍湯主之。

原文

傷寒脉浮緩。身不疼。但重。乍有輕時。無少陰證者。前

湯發之。原文

大青龍湯。仲景治傷寒發熱惡寒煩躁者則用之。夫傷寒邪氣在表不得汗出其人煩躁不安身心無如之奈何如脉浮緊或浮數者急用此湯發汗則愈若不浮緊而數無惡寒身疼者亦不可用所以脉證不明者多不敢用也。

仲景治傷寒一則桂枝二則麻黃三則青龍桂枝治中風麻黃治傷寒青龍治中風見寒脉傷寒見風脉三者如鼎立人皆能言之而不曉前人處方用藥之意故醫遂多不用。

昌謂脉緩而浮者中風

也。故嗇嗇惡風。浙浙惡寒。翕翕發熱。仲景以桂枝對之。脈浮緊而嗇者。傷寒也。故頭痛發熱。身疼腰痛。骨節疼痛。惡寒無汗而喘。仲景以麻黃對之。至於中風。脈浮緊。傷寒。脈浮緩。仲景皆以青龍對之。昌為寃之。風傷衛。則風邪干陽。陽氣不固。發越而為汗。是以自汗。是表虛。故仲景用桂枝以發其邪。芍藥以和其血。蓋中風則病在脈之外。其病稍輕。雖同曰發汗。實解肌之藥耳。所以仲景於桂枝症。云令半身縻縻微似有汗。不可如水淋漓。病必不除。可知中風不可大發汗。汗過則反動營血邪氣。



乘虛襲之。故病不除也。寒傷營則寒邪入陰血而營行脈中者也。寒邪居脈中非特營受病邪自內作則併與衛氣犯之久則浸淫入骨是以汗不出而熱齒齟而煩寃伸景以麻黃發其汗又以桂枝助其發散欲滌除內外之邪營衛之病耳。大抵二藥皆發汗以桂枝發其衛之邪麻黃開營衛之病治自有淺深也。何以驗之觀伸景第十九症云病當自汗出者此爲營氣和營氣和者外不諧以衛氣不其營氣和諧故也以營行脈中衛行脈外復發其汗營衛和則愈宜桂枝湯。及四十七症云發

熱汗出。此爲營弱衛強。故使汗出。欲救邪風者。宜桂枝湯。是知中風汗出者。營和而衛不和。又第一卷云。脈浮而緊。浮則爲風。緊則爲寒。風則傷衛。寒則傷營。俱病者。卽煩疼。當發其汗。是知傷寒浮緊者。營衛俱病也。此麻黃湯中。并用桂枝。此仲景之言也。至於青龍。雖治傷風。見寒脈。傷寒見風脈之病。然仲景又云。陽微惡風者。不可服。服之厥逆。便有筋惕肉瞤之症。故青龍一症。尤難用藥。須是形症諦當。然後可行。

熱盛而煩。手足自溫。脈浮而緊。此傷風見寒脈也。

不煩少熱。四肢微厥。脈浮而緩。此傷寒見風脈也。二者為營衛俱病。法宜大青龍湯。

小青龍湯方。

麻黃去節

桂枝

芍藥酒炒

細辛

甘草炙

乾薑各三兩

半夏

五味半升

傷寒表不解。心下有水氣。乾嘔。發熱而咳。或渴。或利。或噎。或小便不利。少腹滿。或喘者。小青龍湯主之。原文  
傷寒心下有水氣。咳而微喘。發熱不渴。服已渴者。此寒去欲解也。小青龍湯主之。噎音謁。食質氣不通也。原文

或問小青龍與小柴胡證皆嘔而發汗表裏之證  
大槩彷彿何故二方用藥之不同曰夫傷寒表不  
解裏熱未甚而渴欲飲水不能多不當與之以腹  
中熱尙少而不能消水飲停蓄故作消症然水寒  
作病非溫熱之劑不能解故用小青龍發汗散水  
原其理初無裏症因水寒以致然也若小柴胡症  
則係傷寒發熱之邪傳裏在於半表半裏之間熱  
氣內攻故生諸症是二症雖曰表裏俱病至其中  
之寒熱則全不同故用藥有薑桂柴苓之異耳

乾薑附子湯方



乾薑

附子

卜之後復發汗煩躁不得眠者。乾薑附子湯主之。原文  
此當與梔子豉湯症參看。蓋下後煩不得眠一也。  
而用藥有寒熱不同。乃爾。  
服薑附湯有二法。一法當熱服。手少陰心也。水包  
火熱服以接心火。身表寒盛。外火少也。寒從外生。  
熱從內消。譬如凍死。寒在外也。一法當寒服。足少  
陰腎也。寒邪入水。令冷服以類腎水。身發微熱。內  
水多也。熱從外生。寒從內消。譬如飲冷。寒在內也。

麻黃杏仁甘草石膏湯方

方見前

發汗後汗出而喘無大熱者麻黃杏仁甘草石膏湯

主之 原文

予觀仲景常言發汗後乃表邪悉解止餘一症而已故言不可更行桂枝湯今汗出而喘無大熱乃上焦餘邪未解當用此方以散之夫桂枝加厚朴杏仁湯乃桂枝症悉具而加喘者用之註言汗出而喘以爲邪氣壅甚非桂枝所能發散此誤也况身無大熱更無證何故復言表邪必盛其後章下後不可更行桂枝湯條下註曰汗下雖殊其不當

損正氣則一。其言有至理存焉。可見汗後所註之  
誤矣。大抵當時因事發機前後失於照應。故有此  
等之弊也。

桂枝甘草湯方

桂枝

甘草

大棗

發汗過多。其人叉手自冒心。心下悸。欲得按者。桂枝  
甘草湯主之。原文

悸。心動也。怔怔忪忪。不能自安也。有氣虛而悸。陽  
氣內弱。心下空虛也。有停水飲而悸。心爲火而惡  
水。水既內停。心不自安也。有汗下後而悸。汗爲心

液汗去心虛如魚離水也故悸與驚不同

茯苓甘草大棗湯方

茯苓

桂枝

甘草

大棗

發汗後其人臍下悸者欲作奔豚茯苓甘草大棗湯主之。  
原文自明

厚朴生薑半夏甘草人參湯方

厚朴

生薑

半夏

甘草

人參

汗後腹脹滿者前湯主之。  
原文自明



或問太陽篇中發汗後諸症不言太陽病固所當  
然亦合列於傷寒之右何故止言發汗後腹脹者  
厚朴半夏甘草人參湯主之曰凡言發汗後者以  
外無表症。裏無別邪。止有腹痛一事而已。除此之  
外。卽獲全安。夫傷寒二字。豈可易言哉。其傳變吉  
凶。猶反掌耳。可與所餘一症而並例哉。其諸汗後  
不殊此意。

芍藥甘草附子湯方

芍藥

甘草

附子

發汗病不解。反惡寒者。虛故也。芍藥甘草附子湯主

之原文自明

四逆湯方

方見前

發汗若下之病仍不解煩躁者茯苓四逆湯主之原文

五苓散方

方見前

太陽病發汗後大汗出胃中乾煩躁不得眠欲得飲水者少少與飲之令胃氣和則愈若脈浮小便不利微熱消渴者與五苓散主之原文下同

水道為熱所蔽故令小便不利小便不利則不能

運化津液。故令渴。水無當於五味。故用淡以治水。  
茯苓、猪苓、澤瀉、白朮。雖有或潤或躁之殊。然其爲  
淡則一也。故均足以利水。桂性辛熱。辛熱則能化  
氣。內經曰：膀胱者，州都之官，津液藏焉。氣化則能  
出矣。此用桂之意也。濁陰既出下竅，則清陽自出  
上竅。又熱隨溺而泄，則渴不治，可以自除。雖然，小  
便不利，亦有因汗下之後，內亡津液而致者，不可  
強以五苓散利之。強利之，則重亡津液，益虧其陰。  
故曰：大下之後，復發汗，小便不利者，亡津液故也。  
勿治之，得小便利，必自愈。師又曰：太陽隨經之邪。

直達膀胱小便不利其人如狂者此太陽之邪不傳他經自入其府也五苓散主之是使陽邪由溺而泄耳

發汗見脈浮數煩渴者五苓散主之

按太陽標病傳入標之本發渴溺不利以此散導之邪自膀胱而出也若未渴妄用五苓散反引邪氣入裏而不能解也故易老云卽太陽經之下藥也若傷寒太陽脈緊而渴者不宜用此

中風發熱六七日不解而煩有表裏症欲飲水水入則吐者名曰水逆五苓散主之



本以下之故。心下痞。與瀉心湯。痞不解。其人渴而口躁煩。小便不利者。五苓散主之。

太陽病。寸緩關浮尺弱。其人發熱汗出。復惡寒不嘔。但心下痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞭。不更衣十日無所苦也。渴欲飲水。少少與之。但以法救之。宜五苓散。

或問上條云。小便數者。大便必鞭。不更衣十日無所苦也。嘗有四五日六七日不大便者。卽爲攻之。今言十日不更衣。而不用攻伐。何也。曰。此非結熱。

乃津液不足。雖十日不更衣。亦無所苦也。經曰。陽明病。本自汗出。醫更重發汗。病已瘥。尙微煩。不了者。此大便必鞭故也。以亡津液。胃中乾躁。故令大便鞭。當問其小便日幾行。本小便日三四行。今日再行。卽知大便不久出。爲小便數少。以津液足。胃中故知不久大便也。夫不便者。若有潮熱讖語。可下之症者。然後可以攻之。其不大便而無諸下症者。此津液不足。當須自審慎。勿以日數久而輒爲攻下也。

五苓散爲太陽裏之下藥也。太陽高則汗發之下。

則引而竭之。渴者邪入太陽裏也。當下之。使從膀胱出也。

腎燥膀胱熱小便不利。此藥主之。小便利者不宜用。然太陽病熱而渴。小便雖利亦宜五苓散下之。當服不服。則生何症。答曰。當服不服。則穀消水去。必到陽明燥火。鬱胃發黃。故有調胃湯症。此太陽入本。失下也。由不曾服五苓散故也。

不當服。服之。則生何症。答曰。不當服而服之。是爲犯本。小便強利。津液重亡。侵陽之極。則侵陰而成血症也。輕則桃仁承氣湯。重則抵當湯。故五苓散。

調和陰陽者也。乃太陽陽明之間。故爲調和之劑。酒毒小便赤澀。宜五苓散。但熱在中焦。未入太陽之本。小便自利而清。乃津液已行者。若與五苓散利之。則重涸腎水。不惟重涸腎水。而酒毒之熱亦不能去。以故上下不通。而溺澀。則爲發黃症也。若入血室。則爲蓄血。用五苓散以瀉濕熱。太陽症傷寒自外入。其標本有二說。以主言之。膀胱爲本。經絡爲標。以邪言之。先得者爲本。後得者爲標。此乃客邪之標本也。治當從客之標本。又小腸火爲本。膀胱水爲本。乃寒毒之氣從標入。



本邪與手經相合而下至膀胱五苓主之以方內  
桂枝陽中之陽茯苓陽中之陰相引而下於本導  
出邪氣。

手經 自上之下 足經

丙火 壬水

小腸 丁之止目 膀胱

火邪之氣從下之上。以內為本。水中有火。火為客  
氣。當再責其本。兩腎相通。又在下部。責在下。焦下  
焦如瀆。相火明也。生地黄黃蘗主之。邪從本受。下  
焦火邪遺於小腸。是熱在下。焦填塞不便。自內而

之外也。蓋生地黃、栝黃、連乃陰中之陽。為裏之表。藥若五苓之桂、木澤瀉、豬苓、茯苓、乃陽中之陰。為表之裏藥也。

治酒病宜發汗。若止以五苓利小便。炎熾不肯下行。故曰火鬱則發之。辛溫則散之。是從其火體也。乃知利小便濕去熱不去。動大便尤為疎遠。大便者有形質之物。酒者無形水也。從發而汗之最為之近。以使濕熱俱去。蓋治以辛溫發其火也。佐以苦寒除其濕也。

茯苓甘草湯方

茯苓

桂枝

甘草

生薑

一兩

二兩

一兩

傷寒汗出而渴者五苓散主之不渴者茯苓甘草湯

主之

原文下同

傷寒厥而心下悸者宜先治水當服茯苓甘草湯却治其厥不爾水漬入胃必作利也

金匱要畧曰水停心下甚者則悸厥雖寒勝然以心下悸為水飲內甚先與此湯治其水而後治其厥若先治厥則先飲浸漬入胃必作下利凡治悸其法或鎮固之或化散之惟飲之為悸甚

於他邪雖有餘邪必先治悸何者以水停下無所  
不入。侵於肺為喘嗽。傳於胃為噦噎。溢於皮膚為  
腫。漬於腸間為利。其厥之病甚重。猶先治水。况病  
之淺者乎。

白虎湯方

石膏 一斤

知母 六兩

甘草 二兩

粳米 六合

傷寒脉浮滑。此表有實。裏有寒。白虎湯主之。原文

按前篇云熱諸在裏表裏俱熱者白虎湯主之。又  
曰其表不解不可與白虎湯。此云脉浮滑表有實。



裏有寒者必表裏字訛耳又陽明一症云脉浮遲  
表虛裏寒四逆湯主之又少陰一症云裏寒外熱  
通脉四逆湯主之以此相參其訛益明矣又陽明  
篇曰脉浮而疾者小承氣湯既用承氣湯是裏熱  
也又厥陰篇曰脉滑而厥者裏有熱白虎湯主之  
是謂滑爲裏熱也明矣况知母石膏豈應以水濟  
水成氏隨文釋之謬也

傷寒脉浮而厥者裏有熱也白虎湯主之  
海云此表有熱裏有寒非寒冷之寒寒邪之寒亦  
自有理可思

厥陰  
原文

太陽兩傷方

粳米本草諸家共言益脾胃如何白虎湯用之入肺以其陽明爲胃之經色爲西方之白故入肺也然治陽明之經卽在胃也色白味其寒入手太陽又少陰症桃花湯用此其以補正氣竹葉石膏用此其以補不足垣云身以前胃之經也胸胃肺之室也邪在陽明肺受火制故用辛寒以清肺所以號爲白虎湯也存少承原用活人云謂白虎湯治中暈汗後一解表藥耳非正傷寒藥也而夏日陰氣在內白虎尤宜戒之夫白虎湯具載仲景之書症治昭然明白何爲非正傷

寒之藥也。况傷寒論言無表症者可與白虎湯。云汗後一解藥耳。於法既無表症何解之有。又曰夏月陰氣在內。白虎尤宜戒之。而明理論又云立秋後不可服。秋則陰氣半矣。白虎大寒。若不能禁服之。而爲噦逆不能食。或虛羸者有矣。夫傷寒之法。有是症則投是藥。安可拘於時而爲治哉。假如秋冬之間。患傷寒。身無表症。而大煩渴。於法合用白虎湯。苟拘其時。何以措手。若以白虎爲大寒。其承氣又何有於冬月耶。旣以夏宜戒。秋不可行。然則宜乎何時也。雖然。經云必先歲氣。無伐天和。比

言常也。假如賊邪變出陰陽寒暑亦當捨時而從。症豈可以時令拘哉。

三陽合病。腹滿身重。難以轉側。口不仁而面謔。譫語遺尿。發汗則譫語下之。則額上生汗。手足逆冷。自汗出者。白虎湯主之。原文

垣云。入足陽明手太陽。味苦寒潤。治有汗暈蒸腎經氣勞瀉心。仲景用此治不得眠者。煩躁也。煩者肺也。躁者腎也。以石膏爲君主。佐以知母之苦寒。以清腎之源。緩以甘草粳米之甘。而使不速下也。經云。胸中有寒者。瓜蒂散吐之。又云。表熱裏寒者。



白虎湯主之。瓜蒂知母。味皆苦寒而治胸中寒。及  
裏寒何也。答曰。成無已註云。卽傷寒寒邪之毒爲  
熱病也。讀者要逆識之。如論語言亂臣十人。書曰  
惟以亂臣其能亂而四方亂皆治也。乃治寒者也。  
故云亂民亂四方也。仲景所言寒之一字。舉其初  
而言之。熱病在其中矣。若以寒爲寒。冷之寒。無復  
苦寒之劑。兼言白虎症。脈尺寸俱長。則熱可知矣。  
白虎加人參湯五法。

藥卽湯見

許云。有人初病嘔吐。俄爲醫者下之。已七八日而

內外發熱，予診之曰：當用白虎。加人參湯，或曰：既吐復下，且重虛矣。白虎何用乎？予曰：仲景云：若吐下後，七八日不解，熱結在裏，表裏俱熱者，白虎加人參湯，正相當也。蓋嘔吐者，熱留胃脘，而致令虛火上逆，三投湯而愈。仲景既云：傷寒若吐若下後，七八日不解，表裏俱熱者，白虎加人參湯，主之。又云：傷寒脉浮發熱無汗，其表不解，不可與白虎。又云：脉浮滑，此以表有熱，裏有寒，白虎加人參湯，主之。國朝林億校正謂：仲景於此，表裏自差矣。余謂不然。大抵白虎能除傷寒中渴，表裏發熱，故前後

二症或云表裏俱熱。或云表熱裏寒。皆可服之一種脈浮無汗。其表不解。全是麻黃。與葛根症。安可行白虎也。林億見所稱表裏不同。便謂之差。是亦不思之過也。

張云用藥有遲速之弊。故設法以關防。法有關防不盡者。則著方以拯治也。便如上二條。前條乃仲景設法以關防也。後條及傷寒病若吐若下。後七八日不解。熱結在裏。表裏俱熱。時惡風。大渴。口舌乾燥而煩。飲水數升者。以白虎加人參湯主之。此二條乃著方以拯治也。夫白虎湯專治大煩大

渴古人設法之意惟恐表症未罷而輒用之治有  
太速之弊若背微惡寒及時時惡風二症其中煩  
渴已甚非白虎不能過也必候表邪俱盡未免有  
太遲之愆也此乃法之闕防不盡者故著方以拯  
治也苟不著方必然違法此方法之妙所以不可  
偏廢也或問白虎湯仲景以表不解者不可與又  
時時惡風背上惡寒者此有表也以白虎主之何  
也蓋石膏辛涼解足陽明本經熱蒸蒸發熱潮熱  
表裏皆熱舌燥煩渴之聖藥也且時時者時或惡  
風而不常也背上惡者但覺微惡而不甚也所以



於盛熱燥渴而用。則無疑矣。若夫表症惡寒。常在背上惡寒。而加燥渴者。切不可用也。又太陽經發熱而渴。無汗者。不可與之。但汗後脈洪大而渴者。則可與之。如陰傷寒。面赤煩躁。身熱與夫胃虛惡心。太便不實。脈弱食少。無大熱者。切不可用也。如誤用之。則傾危可立而待矣。

五

五

朝服之明也或可立而告矣

亦太勤不實淵即食少無大潤皆曰不可服也

慎百史之或制御寒而表賦親身慈與夫胃氣

然謂之珍于林不可與女山時者此為大節

中上無與備此題為春時不可入也

中上無與備此題為春時不可入也

不